

**Atorfimmi peqquserlunnerup akiornissaanut Naalagaaffiit Peqatigiit
isumaqatigiissutaannut Kalaallit Nunaata ilanngunneqarnissaanik matumalu
aalajangiiffigisassatut siunnersuutip akuerineqarnerata kingunitsianngua tamatuma
sulissutigineqalernissaa aallartinneqaqqullugu Naalakkersuisut peqquneqarnissaannik**

Inatsisartut aalajangiiffigisassaattut siunnersuut
Pipaluk Lyngemit, Inuit Ataqtigiit, saqqummiunneqartoq

pillugu

Inatsisinut Ataatsimiititaliap

siunnersuutip aappassaaneernejarneranut

ISUMALIUTISSIISSUTAA

Ataatsimiititaliap suliarinninnermini uku inuttarai:

Inatsisartunut ilaasortaq Aqqalu C. Jerimiassen, Atassut, siulittaasoq
Inatsisartunut ilaasortaq Kuno Fencker, Naleraq, siulittaasup tullia
Inatsisartunut ilaasortaq Karen-Marie Kyed Frederiksen, Demokraatit
Inatsisartunut ilaasortaq Bo Martinsen, Demokraatit
Inatsisartunut ilaasortaq Nivi Rosing, Inuit Ataqtigiit

UPA2026-mi 26. maj 2026 siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Siunnersuut matumani pineqartoq akuersissutigineqarpat atorfimmi peqquserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaa sulissutigeqqullugu Naalakkersuisut peqquneqassapput.

Siunnersuutip Inatsisartunit siullermeerneqarnera

Atorfimmi peqquserlunnerit akiorniarneqarnissaannik aammalu pisortat ingerlatsinerannut tatiginninnerup qaffasissuunissaanik siunnersuutikkut pingaarnertut anguniagaq siullermeerinermi tapersorsorneqarluarpoq.

Naalagaaffiit Peqatigiit isumaqatigiissutaannut ilanngunnerup allaffissorinikkut pisariaqanngitsunik artukkiisinnaanera partiit arlallit ernummatigalugu oqaatigaat.

Partii ataaseq siunnersuummi pingaarnertut anguniakkamut tapersiivoq, isumaqarlunili Kalaallit Nunaat isumaqatigiissummut ilanngutissanngitsoq.

Naalagaaffiit Peqatigiit isumaqatigiissutaat malillugu malittarisassat pinerluttulerinermi inatsisitsinni, pisortat ingerlatsineranni suliassat suliarineqartarnerat pillugu inatsisitsinni kiisalu neqeroortitsisarnermut inuussutissarsiutinullu inatsisitsinni ilaatinneqareersut Naalakkersuisut tunngavilersuutigaat. Tamatuma saniatigut isumaqatigiissummut ilanngunneq allaffissornermi suliassanik nutaanik suliakkersuutaassasoq naatsorsuutigineqarpoq. Taamaattumillu Naalakkersuisut allannguutissatut siunnersuut imaattoq saqqummiuppaat:

”Inatsisartut aalajangiiffigisassaattut siunnersuutigineqarpoq Kalaallit Nunaanni inatsisitigut atuutsitsineq peqquserlunnerup akiornissaanut Naalagaaffiit Peqatigiit isumaqatigiissutaannut ullumikkut naleqqunnersoq Naalakkersuisunit misissorneqarnissaa.”

Tamanna ilaatigut tunngavigalugu siunnersuut ataatsimiititaliamit suliarineqartussanngorlugu innersuunneqarpoq.

Siunnersuutip aningaasaqarnikkut kingunerisassai

Aalajangiiffigisassatut siunnersuutit piviusunngortinneqarneranni aningaasaqarnikkut allaffissorinikkullu kingunerisassat siunnersuutip tunngavilersuutitaani nassuiaatigineqartassasut Inatsisartut suleriaasianni § 33, imm. 1-imi allassimavoq.

Suliamik piareersaalluni sulineq AC-fuldmægtigip ukiup affaani sulinerata missaanik annertussuseqassasoq siunnersuuteqartumit nalilerneqartoq ataatsimiititaliamit maluginiarneqarpoq.

Taamatuttaa q isumaqatigiissummut ilanngunnerup inissinnissaanut ukioq naallugu AC-tut atorfirmik pisariaqartitsiviussasoq, tamatumalu saniatigut ukiuni tulliuuttuni suliassat malunnaatilimmik annertunerulissasut Naalakkersuisut akissuteqaammi naliliisut ataatsimiititaliamit maluginiarneqarpoq.

Kiisalu tamatuma kingorna allaffeqarfik Naalagaaffiit Peqatigiit suliassa qarfirmi akuerisaannik kaammattuutaannillu ingerlaavartumik malinnaasussaassasoq, taamaalillunilu Kalaallit Nunaanni inatsisit piumasaqaatinik taakkuninnga qanoq naammassinninnerat pillugu ingerlaavartumik nassuiaateqartassasoq ataatsimiititaliamit maluginiarneqarpoq. Tamannalu suliassat taakku isumagineqarnissaannut allaffissornikkut aningaasaqarnikkullu nukinnik atuinissamut pisariaqartitsiviulissaaq.

Ataatsimiititaliamut saaffiginnissut

Ataatsimiititaliap siunnersuummik tamatumunnga suliarinninneranut atatillugu Transparency International Greenlandimit allakkatigut saaffiginnissummik ataatsimiititaliaq tigusaqarpoq. Saaffiginnissut ilanngussatut ilanngunneqarpoq.

Ataatsimiititaliap siunnersuummut oqaaseqaatai

Atorfirmi peqquserlunneq akiorniarlugu kiisalu pisortat tatigineqarluartumik ammasumillu ingerlatsinissaannut peqataaqataanissamik siunnersuummi anguniakkatut tunuliaqutaasut tapersorsorluarneqartut ataatsimiititaliamit oqaatigineqassaaq.

Ataatsimiititaliamilli maluginiarneqarpoq siunnersuut, malittarisassat atorfirmi peqquserlunnerup akiornissaanut Naalagaaffiit Peqatigiit isumaqatigiissutaannut attuumassuteqartut allaffissornikkut aqutsivigineqarnerannut artukkiisussanik, aningaasaqarnikkut allaffissornikkullu amerlanerusunik kinguneqartussatut nalilerneqartoq.

Malittarisassat atorfirmi peqquserlunnerup akiorniarneqarnerani suliniuteqarnermut il.il. malittarisassiisut inatsisini pisortat ingerlatsinerannut atuuttuni ilaareersut ataatsimiititaliamit taamatuttaa q maluginiarneqarpoq.

Tamanna tunngavigalugu siunnersuut atorfirmi peqquserlunnerup akiorniarneqarneranut ilumut iluaqutaassanersoq imaluunniit inatsimmuut atuutereersumut sanilliullugu aningaasaqarnikkut allaffissornikkullu annertuumik aningaasartuuteqarfiusariaqassanersoq ataatsimiititaliamit oqaluuserineqarpoq.

Ataatsimiititaliamit naggasiullugu oqaatigineqassaaq inatsisit atuuttut atorfirmi peqquserlunnerup akiorniarnissaanut Naalagaaffiit Peqatigiit isumaqatigiissutaannik naammassinninersut paasiniarlugu misissorneqarnissaat Naalakkersuisunit tunuarsimaarfigineqanngimmat. Tassunga atatillugu taamatut misissuisoqareernerata kingorna

inatsisinut atuuttunut pisariaqartumik naleqqussaansat Naalackersuisunit aallartinneqassasut ataatsimiititaliamit naatsorsuutigineqarpoq, tassa misissuinerup tamanna pisariaqalersissappagu.

Ataatsimiititaliap inassuteqaatai

- Naalackersuisut allannguutissatut siunnersuutaat **akuerineqassasoq** ataatsimiititalimi ikinnerussuteqartut Demokraatit inassutigaa.
- Siunnersuutaqqaartoq **akuerineqassasoq** ataatsimiititaliami ikinnerussuteqartut Inuit Ataqatigiit Atassutillu inassutigaa.
- Siunnersuutaqqaartoq **itigartinneqassasoq** ataatsimiititaliami ikinnerussuteqartup Naleqqameersup inassutigaa.
- Inuit Ataqatigiit ikinnerussuteqartutut ima oqaaseqaateqarput:
“Inuit Ataqatigiinnit ileqqorlunneq akiorniarlugu pinaveersaartinniarlugulu tigussaasumik iliuuseqartoqarnissaa pingaartipparput. Ileqqorlullutik imminnut sullittut inuiaqatitiinni pisariaqartinngilarput, aammattaaq transparency Greenland saaffiginninnikuvoq imak oqariartorlutik “Kalaallit Nunaanni Inatsisit atuuttut maannakkorpiaq misissorneqarnissaat amigaatiginngikkipput” aamma “Ataatsimut aningaasatta atorfimmi peqquserlunnermut pissaanermillu atornerlunnermut qanoq pitsaanerpaamik illersorsinnaanermut ataqatigiissakkamik ataqatigiittumillu pilersaarusiornissaq pisariaqartipparput” Tamanna Inuit Ataqatigiit isumaqatigaat, tassami inatsisit atuuttut misissiornerini suna tigussaasumik angussagatsigu, Inuit Ataqatigiinni isumaqarpugut uunga siunnersuummut akuerseqataannginneq ullumikkut pissutsinut allannguerusunnginnerusoq akuersaarinninnerusorlu.”

Ataatsimiititaliap taama oqaaseqaateqarluni isumaliutissiisummilu allassimasutut paasinnil-
luni siunnersuut aappassaaniigassanngortippaa.

Aqqalu C. Jerimiassen
Siulittaasoq

Kuno Fencker
Siulittaasup tullia

Karen-Marie Kyed
Frederiksen

Bo Martinsen

Nivi Rosing